



ZALOA
LEOZ

Santutenea

Zaharrak nagusi

Azken aldi honetan Zaharren Egoitza dugu Amintzagai gure auzoan. Aurreko ale batean irakurri ahal izan genuen lapurreta egin zutela, baina gaurkoan ez da horrelako berri txarrik. Oraingo honetan auzoko helduek ohiko zereginei utzi eta kartetan aritu beharrean aukera ederra izan dute informazioa jasotzeko eta norberak bere ondorioak ateratzeko.

Pasa de asteen gure auzoko Zaharren Egoitzan hitzaldi bat izan genuen. Bertan bildu ziren Pablo Mendia hizlari zutelarik. Pablo Mendiak zahar edo adinduen gaixotasunak izan zituen mintzagai. Esan beharra dago horrelako hitzaldiak interesa pizten dutela eta gure auzoan ere jendeak gustora hartzen dituela era honetako solasaldiak.

Gaiaz aldatuz, sagardotegiko mugimentuak ere bukatu zaizkigu. Ederki nabarmentzen da gauetan izaten zen jendearen emana bukatu dela. Nor ez da etorri aurten ere gure auzoko sagardotegira? Denak izan dugu zitaren bat bertako sagardo, bakailu, txuleta eta gazta probatuaz. Egia esan, ez dugu sagardotegikoekin hitz egin baina kanpotik ikusita, balorazio positiboa egingo genuke aurtengo sagardo



garaiari dagokionean.

Aurtengo txotx garaiak alde egin dionak datorren urterarte ez du izango aukerarik sagardotegian bertan dastatzeko, baina esan beharrean gaude laster, Sagardo Eguna izango degula Usurbilen eta nahiz eta ez izan Txotxetik edateko aukerarik, nahikoa sagardo izango dugu bertan. Kontuz ibili beharko dugu egun horretan zeren, aurtengo sagardoak graduren bat gehiago duela entzun baitugu. Pasaden urteko beroak direla eta, sagarra ere bere onetik atera eta azukre gehiagokoa izan omen dugu. Badakizu, ondo pasa baina kontuz mozkortu gabe.

Lurra lantzen



EIDER
JAUREGI

Urdaiaga

Udaberriarekin batera, eta eguraldi ona lagun, gure ingurutako baserritarrak hasiak dira lurra lantzen. Hazia ereiten duenak uzta jasotzen omen du eta etxeko jaki goxoak udan jasoko badira, orain erein egin behar.

Honetarako, lehenbizi lurra jirtazen da abonoa nahasteko, ondoren errotazio sistema erabiliz, lur zati bakoitzean zein produktu ereingo diren erabaki, ahal den neurrian ereiten ditugun produktuak lekuz aldatzen joango dira, tartean lur zati bat ezer erein gabe utziz, deskantsuan.

Lurra lantzeaz gain, ingurutako txoko gehienak lorez jantziak ikusten ari gara. Gero eta gehiago dira auzoko lore dendara hurbildu direnak etxe inguruak lorez jazteko asmoz etorri direnak. Baita ere eguraldi ederra gozatuz parke inguruan egun pasa ederrak igaro dituztenak ere. Eta zuek ere nahi izanez gero, badakizue paseo eder bat eman nahi izanez gero hurbildu bertara.

